



Vuenyungz Cienz Baengh Gungcanjdangj

幸福全靠共产党

□ Veiz Mehyij eu Luz Lanz ciengjleix / 韦乜字唱 陆兰 整理

Beijfwen Bouxcuengh geij cien bi,
Neiyungz yied si(lwnh) yied singjsien,
Angqhoh laeb dangj ndaej bak nienz,
Sing fwen lienzlien eu mbouj duenh.

Ruzhoengz hailoh sien hwnjdin,
Dangj daiq bouxminz bongh baenaj,
Doilaemx gwnzbiengz “sam goeng bya”,
Cungguek ronghnaj coh daengngoengz.

Cungguek bouxminz ndaej gaijfang,
Cien angq(docih) fanh angq aendangj raeuz,
Gyo gungcanjdangj guh dongh saeu,
Hawj gaiq boux raeuz ndaej cwxcaih.

Gaijgwz hailangh raeuz sim raeuj,
Bouxminz souhaeuj ngoenzngoengz lai,
Byaij loh fouqmiz dangj daeuj daiq,
Gwndaenj doxgaiq yienghyienh miz.

Ngoenzneix gizgiz yienghsiengq moq,
Gaiq raeuz Cunghgoz ndei fouzbeij,
Lajmbanj ranzlaeuz cungj hwnj ndaej,
Gij duzroeglaej nanz ra rongz.

Ciuhneix guh vunz caen siuhsaj,
Goenggeq riunaj dawz lingjdai,
Daxbuz betcib goujhungz mai(veh),
Song laux simhai bae diuqfoux.

Haeujlaeg gaijgwz miz hengzdoengh,
Moqnaj engq hoengh engq vuenyungz,
Doengzcaez saedyienh Cunghgozmunz,
Giz hoj giz gungz cungj bienq fouq.

Dangj vih bouxminz caen dwg anj(baeg),
Geijlai hojnanh de dingj gvaq,
Vih minz an’ onj youq dienyah,
Diuz rap gwnz mbaq naek fanh gaen.

Youq bi duznou ceiq dwg bemx,
Sinhgvanh Feiyen roengz biengz langh,
Cungguek baengh miz gungcanjdangj,
Dawz gij binghlangh gung roengzbae.

Ceng faen duet miux buetyouyou,
Dangjyenz daiqdaeuz youq baihnaj,
Nyengh dawz binghlah gaemh roengz laj,
Daengx biengz hai naj yawj Cungguek.

Youh guh fuengzbingh youh swnghcanj,
Baengh gungcanjdangj cij ndaej hingz,
Daengq gyoengq beixnuengx lauxbeksingq,
Gaej lumz aencingz aendangj raeuz.

Angqhoh laeb dangj bak bi rim,
Gaiq raeuz bouxminz caen angqyangz,
Vuenyungz cien baengh gungcanjdangj,
Couhcinj mbouj gangj vunz hix rox.

Gyoengqraeuz Sim Coh Dangj

咱们心向党

□ Lij Bingjsiu / 李炳秀

Gyoengqraeuz sim coh dangj,
Gangj lumj va gyaез namh,
Sawjmingh aeu geiqmaenh,
Mbouj lumz dangj simnduj.

Gyoengqraeuz sim coh dangj,
Angq lumj bya faengz raemx,
Dangj lizsij hag laemj,
Vuenyungz caemh gaenx guh.

Gyoengqraeuz sim coh dangj,
Angj lumj daengngoengz rongh,
Riengz dangj yamqdin hung,
Ciug rongh diuzloh raeuz.

Gyoengqraeuz sim coh dangj,
Geiq ndei dangj gaxgonq,
Vunzbiengz gvaq ndaej onj,
Gyaebgyonj dangj goenglauz.

Gyoengqraeuz sim coh dangj,
Fwn cin angq nyinh doengh,
Raeuz simnyienh saenqcoengz,
Boqsoengq naed ceh dangj.

Gyoengqraeuz sim coh dangj,
Dawz dangj gij ndei cienz,
Dauqcungz caux aen biengz,
Vunz fanh cien gvaq ndei.

Gyoengqraeuz sim coh dangj,
Mbouj lumz dangj muzbyauh,
Geiz dangj noengznyaunyau,
Ngeix dauq dangj ginglig.

Gyoengqraeuz sim coh dangj,
Hag lizsij aendangj,
Aeu rox gyo’ mbaiq dangj,
Riengz dangj byaij baenaj.

Fwen Sim Lwgnyez Coh Dangj

童心向党歌

□ Danz Gingjcangh / 谭景昌

Daxmeh daj iq son gou gvaq,
Gou dwg duj va iq guekcoj,
Dauhleix caizhag cungj aeu rox,
Majhung makgoj itdingh giet.

Ngeih cib seiq cih geiq youq sim,
Daengx guek yinzminz ranz ndeu caen,
Dangj raeuz dazyinx lwgminz gaen,
Minzcuz doxndei raen ndaej da.

Duzlungz baihdoeng ndaej singjsak,
Guh saeh caemrwg mbouj lai gangj,
Haenqrengz gaenxguh riengz aendangj,
Daengngoengz hoengzfwad aengj gwnz mbwn.

Roen fouqgiengz miz dangj daeuj daiq,
Bouxminz vaiqdangq ndaej ndwn hwnj,
Seizneix miz daenj youh miz gwn,
Goenglauz wnggai dangj daih’ it.



De doq byaij doq naemj, mizseiz
ngiengxgyaeuj yawjyawj, sawqmwh
roxnyinh gij ranz caeuq suen naz
gyae’ gyawj ranzmbanj beij song bi
gaxgonq lij fwzyauyau, haenznaz maj
rim le go’ nyaengq gorum, ndaw naz
gomiuz mbangcax caemhcaiq reuqhenj.

Mbouj miz raemx! Raemx ndaw
dah cungj yaek hawq lo, gizdae
raemxdah bienqbaenz le aen doek aen
gumzboengz iq, vunzmbanj gwnz roen
bungz cungj mbouj miz cingsaenz,
bouxbox doeknaiq swiswi. De gig
doeksaet, caezgya youq mbanjranz
soqlaiz vuenyungz angqyangz, baenz-
lawz bienqbaenz yienghneix lo? Mbouj
rox song gaiq naz ndaw ranz bonjfaenh
dwg mbouj dwg hix deng hawq fwz lo?
Gij haeux ndaw ranz gaeuq mbouj
gaeuq bineix gwn ne? Doenghgij
saedcej daxmeh dwg baenzlawz gvaq

•Sawcuenhvaez Lwgnyez•

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

ne?

Haujlai saeh bongh hwnj uk-
gyaeuj daeuj, Lungz Byauh camhseiz
lumz le gij saeh Siu Cuh, de gaenjgip
dauqranz, fouz gyaeuj fouz rieng cam
daxmeh:

“Meh, raeuz ndaem naz caengz?”
“Ndaem le gaiq he, hoeng mbouj
miz raemx, hai, mehmbwn yaek hawj

naz cungj dairemj dairengx lo!”
Daxmeh yousim gwdgdw dap naeuz.
“Gou bae yawjyawj.” Lungz
Byauh sikhaek daengz laeng dou bae,
yaek dawz mauhdiemx caemhcaiq ra
faggvak.
“Mbouj aeu bae yawj lo! Cungj
dairemj dairengx caez lo, gou gaenq
gaij baenz ndaem lwgmaenz lo.”

“Gou hix aeu bae yawjyawj.”
“Lwg, yaek yawj, cij ndaej
daengz gaiq naz henz dah baihdoeng
bae yawj lo!”
“Gaiq naz henz dah baihsae ne?”
“Gaiq naz haenx, nienzco gaenq
gai hawj Cinz Dayenz lo.”
“Baenzlawz? Youh gai naz bae?”
(caengz sat)